

北京圖書館 編

北京圖書館藏珍本
年譜叢刊

第 155 冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 155 冊



155

第一五五冊目錄

朱九江先生年譜	一
朱九江先生年譜註	九三
還讀我書室老人手訂年譜	一二三
告存漫叟年譜	三九七
羅忠節公年譜	四七一
遂翁自訂年譜	五八九

朱九江先生集十卷刻于光緒廿三年其首卷為年譜
 出先生門人同朝亮手 民國十九年同氏八門人周平
 張啟煌撰刻朱九江先生集注別刻之始首卷亦並注
 年譜 茲從兩本中抽出合為一冊

朱九江先生集序

卷首之一

學者問曰聞集之始也後人集之而非自爲集也朱先生旣沒十有六年而未有集何也朝亮曰蒐之未備旣不得遽又時將有待也然遷延之罪固自知之矣學者迺出其所得詩文百篇有奇又有數策錄所聞者問曰然庠迺檢其所得曰詩文非先生之作而妄僞爲先生者十二三焉若夫所聞則不能無異自古而然者也烏虜悲哉先生旣沒赴至朝亮父喪方禫以師喪固所奔也戴星而行及至旣斂將蓋棺家人聞來哭止之遂入哭猶及見先生面如生也行省兩院爲文祭之曰明不自翹遺書有無朝亮聞之而悲夫先生有書而無書也先生之明終不可以沒也先生七十有一朝亮在其門冬歸成昏禮反而晉拜

先生賜之酒既侍飲敬問先生著述舉所以欲爲書者而答

今詳

年譜凡七書而自謂於儒宗性學發之而爲政術尚之而爲風俗

得失雖微卽干中國人倫之大天下彊弱安危所存者則尤屬意而不敢草草焉及先生七十有五語其家人將定藁以成書亡何疾作迺燔其藁踰月而沒此有書而無書昔人以服程子之明而先生繇之者也雖然先生之書未傳於人而先生之行之言人固得而見聞者矣况其莫年講學上辨古人下窮今日其所以勤告者必其所以欲爲書之精意豈猶有隱而不宣者歟先生講學嘗陳時病力闕其非以筆擊案曰卽如著述當在斯也然則先生之明已傳者精意未及傳者文字爾古有脩身教士生平不著述一言者而其言終布於天下士大夫得以自

艾婦孺得以交稱史氏賴其言而一朝時論之是非迺定若是者何以至斯也有表其傳而書之者也此無書而有書也先生既沒踰年同門將表其傳屬議爲書朝亮方母喪未獲承也服闋後感其意嘗欲爲先生年譜一編勞勞人事久之未成遲遲深居默坐憶當日席閒所見聞者愀然有感雖風雨中夜猶必書之懼將失也雖書之而不敢遽以畀人懼其或失先生意也語未及終學者視抱以思迺曰請成年譜以畀吾學者使無惑於所聞且先集詩文其所未得蒐之可補也孰與扁其正者而投其妄者虜若此之時能待者幾何虜朝亮以學者之請固衷於誼而不敢辭也然躊躇久之蓋以誼之至大將卒爲之苟一言之失斯獲戾矣將不卒爲之使先生不彰其獲戾者猶小使

天下不得聞先生之行之言而皆失所從其獲戾者實大矣既
不可已遂許之自夏徂冬集有先生詩五卷文四卷暨書先生
事者附錄一卷迺成年譜列於卷首席讀集者先有攷焉詩繇
先生家人所得原略有次今仍之皆三十有五以前爲之也文
繇先生家人所得暨宗人已棄者今攷其年類而次之壯年者
罕大都四十以後爲之也繇詩而文遞推終身故以爲次亦韓
集例也年譜自三十有八以前据先生公車紀程暨其家人所
得紀年事略以後据先生在官日記襄陵碑錄暨先生手定門
人文卷也年譜以年爲次而有先敘合敘使其文不散者左傳
編年之書已開其例也論語詩可以興陸稼書謂觀朱子年譜
可以興今年譜錄詩則誦詩論世其所興者不勃然爲風之自

庠詩繇天性野人歌謠今猶於古百世之後微問如何詩必不絕先生爲詩誼原三百如古之詩人非今之詩人所可囿錄其大者可厚人倫固先輩以詩篇爲年譜之風也年譜例錄文譜居集前祇錄其題今或仍錄其文與詩同列者譜普也風誼之高欲普見其凡也先生年譜人譜也書其可書不可以常例書也學者問曰今譜之言其必古人未有者庠曰是不可以不辨也昔者顧亭林爲日知錄自謂古人所先有者削之今攷其書章句名物之微其自謂者略是矣然其書之用不係庠其微也凡所言天下大瀛則其書之用存焉皆古人所先有而顧氏申之者也夫旣申之則古人之言始終復明天下雖有邪說而不能蔽若不申之則古人雖已言猶未言也歷世以來獨立不懼

之君子天下所爭言而一人不言天下所不敢言而一人獨言
皆申古人之誼以蘄後人之明何者天下之變無常變無常而
誼有常君子得其公誼續其公言無不孚驗也不知者醜曲誼
以爲新斧小言以爲斷謂之古人未有焉其於天下不適害哉
既而學者羣請曰書成吾學者傳錄之難且易譌今備梓費請
棐之遂如其請學者校棐於讀書草堂

光緒二十有三年冬至日

門人順德簡朝亮謹序

謹案先生詩文今未蒐得而待補者
代兆撫軍請襄陵臨汾水田母照東
南升科摺檄西山神驅狼文晉聯關
隴禦賊三難五易十可守八可征奏
記兆氏功臣三世家傳黃木灣觀海
詩今具錄題以冀補棐亦以免妄收

朱九江先生年譜

卷首之二

嘉慶十有二年

歲在丁卯八月辛卯二十先生生

先生諱次琦字稚圭一字子襄先世子議居南海九江方明

祖龍興設不爲君用之罰子議終身偁元處士不改度焉七

傳至夔州知府讓仕萬厯時以治行第一拜璽書之賜

詳四

志廣州鄉賢傳

是爲先生八世從祖讓孫實蓮以戶部郎中受特勅

與陳文忠子壯舉誼殉節高明

皇朝賜諡烈愍

詳明史列傳

是爲先生六世從祖父贈公成發贈如先生秩蘇人有主於

公者年七十歸休以佗人所負三千金俾公自收之公陽諾

四千里外卒反其金嗜觀邸報災患必歎嘗謂諸子曰凡人

有力在己而不以及人非天命富貴意也汝曹識之矣母張

太宜人知文史族子爲盜魁瞰贈公歸颺言索之金太宜人語贈公請與諸子佗適旣行盜夜嘑叔門太宜人扶媪持燭出從容詰曰嘑叔者誰何遽也叔偶出盍入而待之闔闔納盜魁其黨數十人俟於門外盜魁踞上坐解佩刀鉦然太宜人嘑婢瀾茗復詰嘑叔何居盜曰將亡命假數百金門外盜皆譟應太宜人正容曰汝偁叔屬雖遠猶骨肉也有急當告我何遽若是迺入探釵珥數事解腕中條脫益之曰汝將去不足可復來何待叔也盜大慙竟棄去繼母關太宜人捫諸子如腹出先生嘗病十旬閔鬱忘勞體爲之敝伯兄士琦與先生同舉於鄉能詩以粵中西江水患繇沙田石壩上書大府議除其患

詳南海縣志
朱氏傳芳集

仲兄炳琦季弟諸生宗琦叔者先

生也

十有三年

歲在戊辰

先生年二歲

先生周晬甫學語張太宜人抱諸剡上授以唐人絕句代小

兒歌謠

十有五年

歲在庚午

先生年四歲

張太宜人問曰兒願多錢否曰不願願高官否曰不願何願

曰人盡愛兒兒則願爾

十有六年

歲在辛未

先生年五歲

冬先生始入塾受書叔懿脩先生旣自塾歸夜寒雨雪張太

宜人藉先生寢篝火溫衣先生遽曰如今窮人可念也

十有八年

歲在癸酉

先生年七歲

先生能爲詩

二十有二年

歲在丁丑

先生年十有一

贈公腹疾治之不瘳先生幼惶恐手疏祝竈經搏額流血贈

公遂瘳

二十有四年

歲在己卯

先生年十有三

先生同里曾勉士廣文說先生幼敏以先生調制府儀徵阮

文達命作黃木灣觀海詩文達驚曰老夫當讓此子出一頭

地過予彩旗門作矣

擊經室集有作浦彩旗門觀海詩

道光元年

歲在辛巳

先生年十有五

冬十有一月丙辰張太宜人卒先生執喪居先廡東廂杜門

三年默思而純於是強識踰素巨簡之書循眊者三輒誦不

忘

四年

歲在甲申

先生年十有八

春二月先生服闋肄業羊城書院山長謝里甫先生能書嘗曰書雖小道非僞悟者不能通其意吾友教歲數百人饒學此者朱生而已迺授筆灋辟呬詔之曰實指虛掌平腕豎鋒小心布寘大膽落筆意在筆先神周字後此外升也手輒筆頭重此內丹也又曰晉辨神姿唐講問架宋元以來尚逋峭之趣矣然神物無蹟易於羊質虎皮以趣勝者卽有所成祇證聲聞辟支果耳不成終身遂流魔道不可振掇初學執筆折中祛弊其諸顏平原歐陽渤海間虜繇是先生工八瀋先生幼而端靜彈碁六博諸戲不一游日讀書之餘略求八

灑而已凡書百家耽讀采市典衣如不及聞藏弄家有其書
婉借之必得迺適

夏先生赴院試如 功令不挾一字先生連試席者紈袴
家子也倩遞失排律迺出金條脫乞作維筍及蒲詩先生不
納

七年歲在丁亥先生年二十有一

夏常熟翁文端來督學先生試皆第一補邑弟子員再試之
日先生橐筆入文端命升堂屬藁數行輒先取眊點首而誦
比莫藁未脫文端親然蠟炬勞曰勉竟若長毋躁也

先生念母不已過先孺人墓詩云頭顱爾許人猶昔愴絕人
間二十年